

四庫全書

子部

欽定四庫全書

子部

證治準繩卷二十一

詳校官太醫院恩糧

臣表天錫

編修臣倉聖脈覆勘

總校官進士臣朱鈴

校對官中書臣宋枋遠

謄錄監生臣李紳

欽定四庫全書

證治準繩卷二十一

明 王肯堂 撰

類方

諸氣門

氣

正氣天香散

河間

治九氣

烏藥

二兩

香附末

八兩

陳皮

紫蘇葉

乾薑

各一兩

右為細末每服一錢七鹽湯調服

沉香降氣散

約說

治陰陽壅滯氣不升降胸膈痞塞喘

促短氣又治脾胃留飲噫醋吞酸脇下妨悶

沉香

二錢八分

縮砂仁

七錢半

甘草

炙五錢五分

香附子

鹽水炒去

毛六兩二錢五分

右為極細末每服二錢八鹽少許沸湯調服不拘時

淡薑湯下亦得

四七湯

和劑

治喜怒憂思悲恐驚之氣結成痰涎狀如

破絮或如梅核在咽喉之間咯不出嚥不下此七情所為也中脘痞滿氣不舒快或痰飲嘔逆惡心並皆治之

半夏

湯泡五次
一錢五分

茯苓

去皮一錢二分

紫蘇葉

六分厚朴
薑製九分

水一觥生薑七片紅棗二枚煎至八分不拘時服

丁沉透膈湯

見反胃

木香調氣散

見中氣

補中益氣湯

調

中益氣湯

並見勞倦

十全大補湯

見虛勞

清暑益氣湯

見傷暑

四

君子湯

見虛勞

四物湯

見鼻衄

七氣湯

和劑

治七情之氣鬱結於中心腹絞痛不可忍

者

人參

去蘆

肉桂

去皮

甘草

炙各一兩

半夏

湯泡七次焙乾五兩

右吹咀每服三錢水一盞薑三片煎至八分食遠服

指迷七氣湯 治七情相干陰陽不得升降氣道壅滯

攻衝作疼

香附子

二錢

青皮

去白

陳皮

去白

桔梗

蓬朮

官桂

藿香

益智仁

半夏

湯洗七次

甘草

炙各一錢

水二鍾生薑三片紅棗二枚煎一鍾食遠服

三因七氣湯

見藿亂

流氣飲子 治男子婦人五藏不和三焦氣壅心胸痞悶咽塞不通腹脇膨脹嘔吐不食上氣喘急咳嗽痰盛面目浮四肢腫大便秘澀小便不通憂思太過鬱結不散走注疼痛脚氣腫痛並皆治之

紫蘇葉

青皮

去白

當歸

芍藥

烏藥

茯苓

去皮

桔梗

半夏

湯洗

川芎

黃耆

枳實

麸炒各一錢

防風

去蘆 陳皮 去白 甘草 炙 木香 檳榔 大腹子 連皮枳殼

麸炒各

半錢

水二鍾生薑三片紅棗一枚煎至一鍾去滓不拘時

服

大七氣湯 見積聚

蘇子降氣湯 和劑 治虛陽上攻氣不升降上盛下虛痰

涎壅盛胸膈噎塞并久年肺氣至效

紫蘇子 炒 半夏 湯泡各二錢半 前胡 去蘆 甘草 炙 厚朴 去皮 薑製

炒

陳皮

去白各一錢

川當歸

去蘆一錢半

沉香

七分

水二鍾生薑三片煎至一錢鍾不拘時服虛冷人加桂五分黃芪一錢

秘傳降氣湯

治男子婦人上熱下虛飲食過度致傷

脾胃酒色無節耗損腎元水火交攻陰陽闕格遂使氣不升降上熱則頭目昏眩痰實嘔逆胸隔不快咽喉乾燥飲食無味下弱則腰脚無力大便祕澀裏急後重臍腹冷疼若治以涼則脾氣怯弱腸鳴下利治

以溫則上焦壅熱口舌生瘡及脚氣上攻與久痢不
瘥宜先服此藥却以所主藥治之氣壅耳聾泛熱咽
疼亦效

桑白皮

二兩
炒

枳殼

湯浸去
瓤炒

柴胡

去毛
蘆洗

陳皮

炒黃
色

甘

草

炒各
一兩

五加皮

酒浸半
日炒黃

骨碎補

燎去毛
劉炒

地骨皮

炒黃

桔梗

炒黃

草果

去皮膜淨
洗炒黃

訶子

炮取
肉

半夏

生薑自然
汁和成餅

再碎炒以
上各半兩

右剉散和勻以碗盛飯甑上蒸一伏時傾出攤令冷

収之每服二錢紫蘇三葉生薑三片水一盞同煎七

分食後通口服療欬加半夏麴心肺虛每料加人參

茯苓

各一兩

上隔熱加北黃芩

五錢

下部大段虛加少許

炮附子煎如使附子多加生薑婦人血虛加當歸

一兩

四磨湯

濟生

治七情傷感上氣喘息妨悶不食

人參 檳榔 沉香 天台烏藥

右四味各濃磨水取七分煎三五沸放溫空心服或

下養正丹尤佳

養正丹

和劑

治上盛下虛氣不升降元陽虧損氣短身

羸及中風涎潮不省人事傷寒陰盛自汗唇青婦人

血海久冷

小銀

黑錫

去滓淨秤與水銀結砂子

硫黃

研

硃砂

研細各一兩

右用黑盞一隻火上熔黑鉛成汁次下水銀以柳條攪次下硃砂攪令不見星子放下少時方下硫黃末急攪成汁和勻如有談以醋洒之候冷取出研極細
黃糯米糊丸棗豆大每三十九鹽湯棗湯任下

養氣丹

和劑

治諸百損真陽不固上實下虛氣不升降

或喘或促一切體弱氣虛之人婦人血海冷億諸證

禹餘糧

火煨醋淬七次半斤為末

代赭石

加上法一斤

紫石英

火煨一次

赤石脂

火煨一次

磁石

火煨醋淬十次各半斤

以上五石各以水再研挹其清者置之紙上用竹篩

盛滴盡水候乾各用瓦瓶盛貯以鹽水紙筋和泥固

濟陰乾以硬炭五十斤分作五處煨此五石末以紙

灰蓋之火盡再煨如此三次埋地坑內兩日出火毒

再研細入後藥

附子

炮二兩

肉蓯蓉

酒浸一宿焙一兩半

懷香

炒

破故紙

酒炒木

香

不見火

肉桂

肉豆蔻

麩裏煨

巴戟肉

鹽湯浸

丁香

沉香

山藥

當歸

酒浸一宿焙乾

白茯苓

鹿茸

酥炙遠

志陽起石

去心

研

別

鍾乳粉

乳香

沒藥

並另研

硃

砂

或煨或蒸或黃芪當歸煮熟

五靈脂

主補虛虛者須保胃氣此品要精製淨去砂土

若過用令人膨飽傷胃已上各一兩淨作末

右八前藥同研極勻用糯米糊九每一兩作五十九

陰乾入布袋內擦光每服二十九空心溫酒薑鹽湯任下
婦人艾醋湯下

復原通氣散

和劑

治氣不宣流或成瘡癰并閃挫腰脇

氣滯疼痛

舶上茴香

炒

穿山甲

蛤粉炒去粉各用二兩

玄胡索

去皮

白牽

牛

炒

陳皮

去白

甘草

炙各一兩

南木香

不見火一兩半

右為細末每服二錢用熱酒調病在上食後服病在下食前服不飲酒者煎南木香湯調

木香流氣飲

和劑

治諸氣痞塞不通胸膈膨脹面目虛

浮四肢腫滿口苦咽乾大小便秘

半夏

湯浸七次焙二兩

青皮

去白厚朴

薑製去麤皮

紫蘇

去梗香附

子

去毛炒

甘草

炙各一斤

陳皮

去白二斤

肉桂

去麤皮不見火

蓬莪朮

煨

丁香皮

不見火

大腹皮

製

檳榔

麥門冬

去心

木香

不見火

草果仁

各六兩

木通

去節八兩

藿香葉

赤茯苓

去皮

白芷

白朮

乾木瓜

人參

去蘆

石菖蒲

各四兩

右咬咀每服四錢水一盞半薑三片棗二枚煎七分

熱服

蟠葱散

和劑

治男婦脾胃虛冷氣滯不行攻刺心腹痛

連胸脇膀胱小腸腎氣及婦人血氣刺痛

延胡索

三兩

肉桂

去麤

乾薑

炮各二兩

蒼朮

米泔浸一宿切焙

甘草

炙各半斤

縮砂

去皮

丁香

檳榔

各四兩

三稜

煨

蓬朮

煨 茯苓

苓

去皮

青皮

去白各六兩

右為末每服二錢水一盞連根葱白一莖煎七分空

心熱服

分心氣飲真方

直指

治憂思鬱怒諸氣痞滿停滯噎塞

不通大小便虛秘

紫蘇莖葉

三兩

半夏

製

枳殼

製各兩半

青皮

去白

陳橘紅

桑白皮

炒

大腹皮

木通

去節

赤茯苓

南木香

檳榔

蓬莪木

煨

桔梗

麥門冬

去心

辣桂

香附

藿香

各一兩

甘草

炙

二錢半

右剉散每服三錢水一大盞生薑三片棗二枚燈心

十莖煎七分不拘時服

一人瘴瘧經年虛腫腹脹食不知飽以此藥吞溫白丸初

則小便數次後則大便盡通其病頓愈

分氣紫蘇飲 治男子婦人脾胃不和胸膈噎塞脇疼氣促喘急心下脹滿飲食不思嘔逆不止

紫蘇

五味子

去梗

桑白皮

炙

陳皮

去白

桔梗

去蘆

草果

仁 大腹皮

茯苓

去皮

甘草

炙各一錢半

水二鍾生薑三片煎一鍾入鹽少許食遠服

沉香升降散

御藥

治一切氣不升降脇肋刺痛胸膈痞

塞

沉香

檳榔

各二錢半

人參

大腹皮

炒

訶子

各半兩煨去核

白朮

烏藥

香附子

炒

紫蘇葉

厚朴

去麤皮薑製

神麴

炒

麥蘖

炒各一兩

三稜

煨

蓬朮

煨

益智仁

各二兩

陳

皮

去白

薑黃

甘草

炒各四兩

右為細末每服二錢食前用沸湯調服一方加紅花

木香檳榔丸

藥御

踈導三焦寬利胸膈破痰逐飲快氣

消食

木香

檳榔

枳殼

麸炒

杏仁

去皮尖炒

青皮

去瓢各一兩

半

夏麴

皂角

去白
酥炙

郁李仁

去皮各
一兩

右為細末別以皂角四兩用漿水一碗搓揉熬膏更入熟蜜少許和丸梧子大每服五十九食後薑湯下

青木香丸

和劑

治胸膈噎塞氣滯不行腸中水聲嘔噦

痰逆不思飲食常服寬中利膈

黑牽牛

二百四十兩炒香
取末一百二十兩

補骨脂

炒香

葶藶

各四十兩

木香

二十兩

檳榔

用酸粟米飯裏濕紙包火
中煨令紙焦去飯四十兩

右為細末清水滴為丸如菉豆大每服三十九茶湯

熟水任下

沉香化氣丸

專治赤白青黃等色痢疾諸般腹痛飲

食傷積酒積痰積血積跌撲損傷五積六聚胸膈氣
逆痞塞胃中積熱中滿腹脹瘧痞茶癖及中諸毒惡
氣傷寒大便不通下後遺積未盡感時疫氣瘴氣并
諸惡腫瘡瘍腫毒及食諸般牛畜等物中毒不問婦
人男子小兒並皆治之

大黃

錦紋者

黃芩

條實者各一兩

人參

官揀者去蘆

白朮

去蘆肥者各三

錢沉香
上好角沉水者
四錢另為末

右將前四味剉碎用雷竹瀝七浸七曝候乾為極細末和沉香末再研勻用竹瀝入薑汁少許為丸如菴豆大硃砂為衣晒乾不見火每服一錢淡薑湯送下小兒六分

王氏博濟利膈丸 治三焦氣不順胸膈壅塞頭眩目昏涕唾痰涎精神不爽

牽牛
四兩半
生半熟 皂角
不蛀者塗
酥炙二兩

右為末生薑自然汁糊丸如梧子大每服二十九荆芥湯臨卧送下

一塊氣丸

官桂

玄胡索

蓬朮

炮

砂仁

枳實

黑牽牛

取頭末

枳殼

檳榔

大黃

醋煮

雷丸

使君子

取肉

白

豆蔻

丁香

各半兩

芫花

酒浸炒

香附子

醋浸

京三棱

炮

陳皮

去白

胡椒

各一兩

糖棗

青皮

各一兩半

川烏

二錢半酒浸炒

錫灰

大麥芽

用江子炒熟去江子各四兩

蘿蔔子

一兩用江子炒熟去

子江

江子

一兩去油

沉香

木香

各四錢

皂角

半斤去皮醋浸炒

右為末酒糊丸如梧子大每服五七丸諸般病證各
隨後項湯使下孕婦不可服忌一切熱物 婦人一

切血氣當歸酒下

血崩燕子泥湯下

小兒脫肛

艾湯下

小兒疳脾橘皮湯下

小兒驚風一歲一

九薄荷湯下

白痢乾薑湯下

小兒脾積史君子

豬膽蘆薈湯下

赤痢甘草湯下

一切吐逆生薑湯

下心膈膨脹新汲水下

下元冷好酒下

風熱

閉塞大小便不通并花水豆粉調下 婦人經脈不

通紅花當歸酒下 赤白帶下蔓荊子湯下 血昏

當歸酒下 胎前產後吳茱萸一兩重酒一斤煎至

二沸下 血塊氣血等生薑橘皮煎湯入醋少許下

常服者淡薑湯下 小女紅脈不通紅花當歸酒

下嗽男子小腸氣茴香湯下 咳嗽烏梅湯下 腰

疼牽牛湯 傷寒葱白湯下

神保丸 治諸氣刺痛流入背膂及脇下諸藥不能治

者見傷食

清咽屑

白製

治喉中如有物咯之不出嚥之不下俗名

梅核氣仲景所謂咽中如有炙轆者是也四七湯是其主方但湯藥入咽即過病所今推廣為屑取其緩下

半夏

兩製一

橘紅

川大黃

酒製各五錢

茯苓

紫蘇葉

真僵蠶

炒

風化硝

桔梗

連翹

訶子肉

杏

仁甘草

各一錢二分

右為末薑汁韭汁和捏成餅晒乾築碎如小米粒大
每用少許置舌上乾嚥之食後臨卧為佳

鬱

越鞠丸

丹溪解諸鬱

香附

蒼朮

米泔浸一宿炒

川芎

各二兩

山梔

炒

神麴

各一兩五錢

錢

為末滴水丸如菴豆大每服一百丸白湯下

氣鬱湯 治因求謀不遂或橫逆之來或貧窘所迫或

暴怒所傷或悲哀所致或思念太過皆為氣鬱其狀
胸滿脇痛脈沉而濡者是也

香附

童便浸一宿焙乾杵
去毛為麤末三錢

蒼朮

橘紅

製半夏

各一錢半

貝母

去心

白茯苓

撫芎

紫蘇葉

自汙則山
用子

梔仁

炒各一錢

甘草

木香

檳榔

各五分

生薑五片煎

如胸脇作痛此有血滯也宜參血鬱

湯治之

濕鬱湯

治因雨露所襲或嵐氣所侵或坐卧濕地或

汗出衣衫皆為濕鬱其狀身重而痛倦怠嗜卧遇陰寒則發脈沉而細緩者是也

蒼朮

錢三

白朮

香附

橘紅

厚朴

薑汁炒

半夏

製

白茯苓

撫芎

羌活

獨活

錢各一

甘草

錢五分

生薑五片水煎

虞搏云一男子年二十九三月間房事後騎馬渡溪遇深淵沉沒幸得馬健無事連濕衣行十五里抵家次日增寒壯熱肢節煩疼似瘧非瘧之狀一醫作虛

證治而用補氣血藥服之月餘不效又易一醫作勞
瘵治用四物湯加知檠地骨皮之類及丹溪大補陰
丸倍加紫河車服至九月反加滿悶不食乃顧倩有
乳婦人在家止喫人乳汁四五杯不喫米粒召予診
視六脈皆洪緩重按若牢右手為甚予作濕鬱處治
用平胃散倍蒼朮加半夏茯苓白朮川芎香附木通
砂仁防風羌活加薑煎服黃昏服一貼二更時又進
一貼至半夜遍身發紅丹如癰疹片時隨沒而大汗

索粥與稀粥二碗由是前病除減能食仍與前方服
三貼後以茯苓滲濕湯倍加白朮服二十餘貼平安
血鬱湯 凡七情鬱結盛怒叫呼或起居失宜或挫閃
致瘀一應饑飽勞役皆能致血鬱其脉沉澀而扎其
體胸脇常有痛如針刺者是也

香附

童便製
二錢

牡丹皮

赤麴

川通草

穿山甲

降真香

蘇木

山查肉

大麥芽

炒研各
一錢

紅花

七分

水酒各一半煎去滓入桃仁去皮泥七分韭汁半盞
和勻通口服

熱鬱湯 有陰虛而得之者有胃虛食冷物抑遏陽氣

于脾土中而得之者其治法皆見發熱條中此則治
夫非陰虛非陽陷亦不發熱而常自蒸蒸不解者也

連翹

錢四

薄荷葉

黃芩

各一錢五分

山梔仁

二錢

麥門冬

去心甘草

五分

鬱金

一錢

瓜蒌皮

二錢

竹葉七片煎 問何不用蒼朮香附撫芎曰火就燥

燥藥皆能助火故不用也

痰鬱於痰飲門求之食鬱於傷食門求之故不著方

痞

海藏云仲景諸瀉心等湯手少陰也以其心下痞故入陽明例

大黃黃連瀉心湯 治太陽病醫發汗遂發熱惡寒因復下之心下痞表裏俱虛陰陽血氣并竭無陽則陰毒復加燒針因胸煩面青黃膚潤者難治若色微黃

手足溫者易愈心下痞按之濡其脉關上浮者

大黃

二兩

黃連

一兩

加黃芩

為伊尹三黃湯

右剉如麻豆沸湯二升漬之須臾絞去滓分溫再服
附子瀉心湯 治心下痞而復惡寒汗出本以下之故
心下痞與瀉心湯痞不解其人瀉而口燥煩小便不
利者五苓散主之

大黃

黃連

黃芩

各一兩

附子

一枚炮去皮切別煮取汁

右四味切三味以沸湯二升漬之絞去滓內附子汁

分溫再服

生薑瀉心湯

治傷寒汗出解之後胃中不化心下痞

硬乾噫食臭脅下有水氣腹中雷鳴下利者

生薑

半夏

洗各二兩

甘草

炙

黃芩

人參

各一兩半

乾薑

黃連

各半兩

大棗

六枚擘

右八味以水五斤煮取三升去滓再煎取一斤半溫

服半斤

伊尹甘草瀉心湯

治傷寒中風醫反下之其人下利

日數十行米穀不化腹中雷鳴心下痞硬而滿乾嘔
心煩不安醫見心下痞謂病不盡復下之其痞益甚
此非結熱但以胃中虛客氣上逆故便硬宜此湯治
之

甘草

二兩

半夏

一兩

黃芩

乾薑

各三兩半

黃連

人參

各半

兩

大棗

六枚

右七味以水五斤煮取三斤去滓再煎取一斤半溫
服半斤分三

半夏瀉心湯

治下痢而不痛者痞也痛即為結胸

半夏

半斤泡

黃芩

乾薑

人參

各三兩

黃連

一兩甘草

炙二兩

大棗

十二枚

右七味以水一斗煮取六升去滓再煮取三升分溫三服

錢氏瀉心湯

見發熱

黃芪補中湯

黃芪

人參

各二錢

甘草

白朮

蒼朮

陳皮

各一

錢
澤瀉 猪苓 茯苓 各五分

水一鍾煎七分溫服送下大消痞丸

大消痞丸 東垣 治一切心下痞滿積年久不愈者

白朮 薑黃 各一兩 黃芩 炒 黃連 炒 枳實 麩炒 半

夏 湯洗七次 陳皮 人參 各四錢 澤瀉 厚朴 砂仁 各三

錢
猪苓 二錢五分 乾生薑 神麴 炒 炙甘草 各二錢

右為細末湯浸蒸餅為丸如桐子大每服五七十九至百丸食遠白湯下

黃連消痞九

東垣

治心下痞滿壅寒不散煩熱喘促不

寧

黃連

一兩

黃芩

炒二兩

半夏

九錢

枳實

炒七錢

橘紅

猪苓

各五錢

茯苓

白朮

炙甘草

各三錢

澤瀉

薑黃

各一錢

錢

乾生薑

二錢

製丸服法同上

失笑九

一名枳實消痞九東垣

治右關脉浮弦心下濕痞惡食

懶倦開胃進食

枳實

黃連

各五錢

白朮

人參

半夏麴

各三錢

厚

朴

炙四錢

乾生薑

炙甘草

白茯苓

麥蘖

各二錢

右為細末湯蒸餅為丸桐子大每服五七十九白湯

下不拘時量虛實加減服

劉宗厚云以上二方並半夏瀉心湯加減法也內有

枳實湯四君子五苓平胃等利濕消痞補虛之藥也

黃芩利膈丸

東垣

除胸中熱利膈上痰

黃芩

炒一兩

白朮

枳殼

陳皮

南星

各三兩

半夏

黃連

澤瀉

各五錢

白礬

五分

右為末水浸蒸餅九每服三五十丸白湯下食遠服

合加薄荷葉一

兩玄明粉二錢

葶藶丸

一名人參
順氣飲子

治心下痞胸中不利

半夏

洗

厚朴

炙

石膏

青皮

已上各五分

當歸身

七分白

豈寇仁

縮砂仁

茵陳

酒製炒

乾葛

已上各一錢

炙甘

草

羌活

黃芩

一半酒洗
一半炒

苦葶藶

酒洗炒

人參

柴胡

獨活

已上各三錢

右為細末湯浸蒸餅和勻篩子內擦如米大每服二

錢臨臥用一口湯下

消痞湯

一名木香
化滯湯

治因憂氣鬱結中脘腹皮裏痛心

下痞滿不思飲食

枳實

炒

當歸梢

各二分

陳皮

生薑

木香

各三分

柴

胡

四分

草豆蔻

炙甘草

各五分

半夏

錢一

紅花

少許

試效方有益智三分無木香

右為麤末作一服水二盞生薑三片煎至一盞食遠

服忌酒濕麵

理中丸 治胃寒而痞

人參 甘草 白朮 乾薑

已上各三兩

右四味搗篩為末蜜和丸如鷄子黃大以沸湯數合和一丸研碎溫服之日三四夜二服腹中未熱益至三四丸

增損理中丸

傷寒

治太陰下之胃滿鞭

諸結胸宜服此

人參 白朮

各一兩

甘草

黃芩

各半兩

枳殼

十二片

右為細末煉蜜丸如彈子大沸湯化一九 渴者加

枯萇根汗出者加牡蠣

枳實理中丸

傷寒

治寒實結胸

茯苓

人參

白朮

乾薑

甘草

各二兩

枳實

各十

片

右爲細末煉蜜丸如鷄子黃大每服一丸熱湯化下

連進二三服

活人桔梗枳殼湯

治傷寒痞氣胸滿欲絕

桔梗

枳殼

去瓤炒
各三兩

右剉水煎分作二服

此手太陰經藥也活人書云審知是痞先用此湯無不驗也綠

枳殼行氣

下膈故

上清散

一名通氣
防風湯防

清利頭目寬快胸膈

黃芪

三錢

甘草

二錢

人參

葛根

各一錢
五分

防風根

一錢
蔓

荊子

半錢

右分作二服每服水一盞半煎至盞去查臨卧溫服

以夾衣蓋覆面首不語須臾汗出為效未服藥預一

日不語服畢亦一日不語

枳朮丸

見傷食

回金丸

瀉肝火行濕與熱能開痞結治肝邪補脾土

見發熱

檳榔丸

見傷食

煮黃丸

見心痛

瓜蒂散

見傷食

二陳湯

見痰

飲

平胃散

見中食

五苓散

見消痺

越鞠丸

見鬱

搗脾湯

見嘔吐

丁

沉透膈湯

見反胃

木香流氣飲

四七湯

並見氣

導痰湯

見痰

飲

來復丹

見中署

四君子湯

見虛勞

補中益氣湯

見勞倦

木香

順氣湯

見脹滿但減人參

木香寬中散

治七情傷於脾胃以致胸膈痞滿停痰

氣逆或成五膈之病

青皮

陳皮

丁香

各四兩

厚朴

製一兩

甘草

炙五兩

白

豆蔻

二兩

香附子

炒

砂仁

木香

各一兩

右為末每服二錢薑鹽湯點服屬脾胃虛損之證不可多服當與六君子湯兼服之

宣明檳榔散

治傷寒陰證下後成痞滿而不痛按之

虛軟

檳榔

枳殼

各等分

右為末每服三錢煎黃連湯調下

三皖痞氣丸

寶鑑

治三焦痞滯水飲停積脇下虛滿或

時刺痛

木香

白豆蔻仁

青皮

炒

京三稜

炮

橘紅

各一兩

半夏

湯泡七次二兩

檳榔

砂仁

沉香

大腹子

各五錢

右為末神麴糊丸梧桐子大每服五六十丸食後陳

皮湯送下

平補枳朮丸

調中補氣血消痞清熱

白朮

三兩

白芍

酒炒一兩半

陳皮

枳實

去穢炒

黃連

薑汁炒各

一兩 人參

木香

各五錢

右為末荷葉打米糊為丸如桐子大每服六七十丸

米飲下

方廣云白朮補脾氣為君白芍藥補脾血為臣陳皮以和胃枳實消痞黃連清熱為佐人

參以補元氣木香以調諸氣為使如此平補氣血廓清痰火熱通氣道則病邪日消而脾胃日壯矣

濟生瓜蒌實丸

治胸膈痞痛徹背脇脹喘急妨悶

瓜蒌實

研

枳實

去穢炒

桔梗

半夏

各等分

右為末薑汁打糊為丸梧子大每服五七十丸食後

淡薑湯下

按此方瓜萸以潤肺滌痰枳殼破滯氣半夏豁痰燥濕桔梗開膈載藥可謂善治痞

悶喘急矣然痰因火動者加黃連尤妙蓋黃連佐枳殼消痞甚速

茯苓杏仁甘草湯

仲景下同

茯苓

三兩

杏仁

五十枚

甘草

一兩

右三味以水一斗煮取五升溫服一升日三服

橘枳生薑湯

橘皮

一斤

枳實

三兩

生薑

半斤

右三味以水五升煮取二升分溫再服

薏苡仁附子散

薏苡仁

十五兩

大附子

十枚炮

右二味杵為散服方寸七日三服

厚朴大黃湯

厚朴

一兩

大黃

六兩

枳實

四枚剉

右三味以水五升煮取二升分溫再服

括萐薤白白酒湯

括萐

一枚搗

薤白

半斤

白酒

右三味同煮取二并分溫再服

括萐薤白半夏湯

括萐

一枚

薤白

三兩

白酒

一斗

半夏

半斤

右四味同煮至四升溫服一升日三服

枳實薤白桂枝湯

枳實

四枚剉

厚朴

四兩

薤白

半斤

桂枝

一兩

括萐

一枚搗

右五味以水五升先煮厚朴枳實取二升去滓納諸

藥煮數沸分溫三服

人參湯

白朮 人參 甘草 乾薑

各三兩

右四味以水八升煮取三升溫服一升日三服

利膈散 治胃痺喘息不通

人參

去蘆

赤茯苓

前胡

各一兩

乾薑

炮

桂心

甘草

炙各半兩

陳皮

去白焙

訶梨勒

去核

白朮

各七錢半

右㕮咀每服五錢用水一大盞薑三片煎至五分去

滓不拘時頻頻溫服

半夏湯

治胃痺心下堅痞急痛徹背短氣煩悶自汗出

半夏

湯洗切焙
二兩半

瓜蒌實

一枚
薤白切二合

右剉片每服五錢水二盞生薑三片煎至一盞去滓
食前溫服日三服

吳茱萸散

治胸脾咽喉噎塞不能下食

吳茱萸

湯浸
焙炒

半夏

湯泡

赤茯苓

去皮

鼈甲

去裙襴
酥炙黃

京三

棧

前胡

去蘆

青皮

去白
焙

厚朴

去麤皮
薑汁炙

檳榔

白朮

桂心

各一兩

枳殼

麤炒
半兩

右咬咀每服五錢水一大盞薑三片棗三枚煎至五
分去滓不拘時稍熱服

荳蔻湯 治胃痺心下堅痞

白荳蔻

去皮

官桂

去麤皮

木香

人參

各半兩

京三棱

煨

神麴

炒各一兩

陳皮

去白

麥蘖

炒各七錢半

乾薑

炮

甘草

炙各二錢半

右咬咀每服三錢水二盞生薑三片鹽少許煎至七

分去滓食前溫服

枳實湯 治胃痺心下堅痞胃背拘急心腹不利

枳實

炒 麩

赤茯苓

去皮

前胡

去蘆

陳皮

去白

各一兩

木香

半兩

右㕮咀每服五錢用水一大盞薑參片煎五分去滓

食前溫服

半夏湯 治胃痺短氣

半夏

湯洗 焙

柴胡

各半兩

赤茯苓

去皮

前胡

去苗

官桂

去皮

麩

人參

各七錢半

甘草

炙二錢半

㕮咀每服五錢水二盞生薑五片棗三枚擘開煎至

一盞去滓不拘時溫服

熨背散 治胃痺心背疼痛氣悶

烏頭 細辛 附子 羌活 蜀椒 桂心

已上一各一

兩 川芎

一兩二錢半

右搗篩以少醋拌帛裏微火炙令煖以熨背上取瘡乃止忌生冷如常法

枳實散 治胃痛及背痛

枳實

麩炒二兩

官桂

去麁皮一兩二錢半

右為細末每服二錢溫酒調服橘皮湯調亦可空心

日午臨卧各一服

透膈湯 治脾胃不和中脘氣滯胃膈滿悶噎塞不通
噫氣吞酸脇肋刺痛嘔逆痰涎食飲不下

木香 白芷 蔻 縮砂仁 檳榔 枳殼 厚朴

炒

薑製

半夏

湯泡

青皮

去白

陳皮

去白

大黃

朴硝

甘草

炙各

一錢

右作一服水二鍾薑三片紅棗一枚煎至一鍾食遠服

水腫

海藏水氣問難

經云諸水身半以下腫者當利小便身半以上當發汗經云身半以上天氣主之身半以下地氣主之天氣主之者其在皮也其在皮故汗而發之

問曰肌肉之外皮膚之裏首至足一身皆腫者當作何治答曰亦宜汗之也與身半以上同法身半以上汗之者尺寸之天地也故汗之肌肉之外皮膚之裏一身盡腫者從天而汗之此表裏之浮沉凡治之法

當如是也肺心肝腎中州已上俱宜汗中州已下皆宜汗如小便利而渴不宜汗不宜下以其重亡津液故也

問曰仲景云少陰脉緊而沉緊則為痛沉則為水小便則難脉得諸沉當附骨身體腫重水病脉出者死王叔和云水氣浮大即延生二者不同何也答曰少陰證當沉故脉出者死也此水附骨以當沉而下出則當微出本部即是得生也此箇出字出本部之外

故死也經云陰陽俱虛脉出者死與此同意水氣浮
大即延生者總而言之也五藏六腑上下表裏及諸
部分俱在其中矣此陰盛而陽虛也故暴出者死何
以然少陰沉知周身無陽也水病滯塞不通脉暴出
陽何以周流於一身養育一體故死也 腹上腫者
屬厥陰腰腫者屬腎

水氣求責法

有沉而有力 有沉而無力 有浮而有力 有浮

而無力 中得之亦有有力無力

水氣脉并藥

肺沉大腸浮

大腹皮 茯苓 甘遂 大戟 芫花 旋覆花

紫苑 陳皮 桑皮 杏仁 木香 葶藶 麻

黃 梔子 芍藥 生薑皮 白朮

心沉小腸浮

桂 枳實 牽牛 芍藥 木通

脾沉胃浮

白朮 芍藥 生薑 赤小豆 棗 檳榔 黃

耆 甘草 石膏

肝沉膽浮

川芎 芍藥 細辛

腎沉膀胱浮

澤瀉 茯苓 猪苓 白朮 木通 燈草 通

草 牡蠣 滑石 澤蘭 附子 葶藶 瞿麥

車前子 防已

海藏集仲景水氣例

水氣源流並出
素問水熱穴論

高低內外輕重表裏隨經補瀉要當謹察肺胃腎三
經病即瘥也

仲景葶蘆大棗瀉肺湯

治喘嗽痰涎
面目浮腫

甜葶蘆 苦葶蘆 等分 大棗

仲景枳朮湯

治心下水
結如盤

仲景牡蠣澤瀉散

治腰下已
有水氣

仲景生薑瀉心湯

治兩脇水氣
腹中雷鳴

仲景甘草附子白朮桂枝湯

治陰證自汗身微腫
風濕相搏小便不利

仲景真武湯

治少陰三二日不已至四五日腹痛小便
不利四肢沉重疼痛則不利此為水氣其

人或欬或小便
利不利而嘔者

仲景十棗湯

大戟 芫花 甘遂

各等分

三花神祐丸 十棗湯加

牽牛 大黃 輕粉

水丸

除濕丹 神祐九加

乳香 烏藥

玄青丹 神祐九加

黃連 黃檗 青黛

右已上四味藥極有毒不可輕也

防已黃芪湯

仲景下同

防已 一兩二錢半 黃芪 一兩二錢半 白朮 七錢半 甘草 炙半兩

右剉每服五錢七生薑四片棗一枚水一盞半煎取

八分去滓溫服良久再服腹痛加芍藥一法潔古用

此湯調五苓散治因濕為腫者

又云防已黃芪湯治風水脈浮為在表其

人或頭汗出未無他證病者但下重從腰已上為和腰以下當腫及身重難以屈伸

越婢湯

加朮四兩即越婢加朮湯

又見痿厥

麻黃

六兩

石膏

半兩

生薑

三兩

大棗

十五枚

甘草

二兩

以水六升煮麻黃去上沫內諸藥煮取三升分溫三服

大腹皮散

大腹皮

桑白皮

川芎

各二兩

漢防已

羌活

青皮

去白

大黃

炒

檳榔

桂心

各一兩

甘草

炙半兩

右咬咀每服五錢水一大盞煎五分去滓不拘時溫服

楮白皮散

楮白皮

猪苓

去皮

木通

各二兩

紫蘇莖葉

桑白皮

各三兩

陳皮

去白一兩

右咬咀每服五錢水一大盞生薑三片煎至六分去

滓不拘時溫服

防已茯苓湯

防已

黃芪

桂枝

各三兩

茯苓

六兩

甘草

二兩

水六升煮取二升分溫三服

蒲灰散

見淋

木香丸

木香

苦葫蘆子

炒

乳香

各二錢五分

檳榔

二枚一甘生一炮

遂

炒令黃

硃砂

細研各半分

為細末以爛飯和分作四十九丸麵裹於銚內水煮熟令患人和汁吞之以盡為度清晨服藥至午時其

水便下不計行數水盡自止

海蛤丸

海蛤

研

防己

各七錢五分

陳皮

炒去白

郁李仁

去皮炒各半兩

赤

茯苓

去皮

桑白皮

葶藶

隔紙炒各一兩

右為細末煉蜜和丸如桐子大每服二十九加至三十九米飲送下早晚各一服

檳榔散

檳榔

半兩另研末

商陸

生薑

各一兩

桑白皮

一兩半

甘草

炙二錢半

右除檳榔外用水二大盞煎至一大盞去滓五更初分作二服每服調檳榔末二錢半服至平明當利如未利再服

甘草麻黃湯

甘草_{二兩}麻黃_{四兩}

水五升先煮麻黃去上沫內甘草煮取三升溫服一升重覆汗出不汗再服慎風寒

麻黃附子湯

麻黃

三兩

甘草

二兩

附子

一枚炮

水七升先煮麻黃去上沫內貳味煮取貳升半溫服

八合日三服

杏子湯

未見恐麻黃杏仁甘草石膏湯

五皮湯

和劑

治風濕客於脾經氣血凝滯以致面目虛

浮四肢腫滿心腹膨脹上氣促急魚治皮水腫脹胎水

五加皮

地骨皮

生薑皮

大腹皮

茯苓皮

各等分 一方如白
术磨沉香木香入

右咬咀每服三錢水一盞煎七分溫服無時

五皮散

治

治他病愈後或瘧痢後身體面目四肢浮

腫小便不利脈虛而大此由脾肺虛弱不能運行諸
氣諸氣不理散漫於皮膚肌腠之間故令腫滿也此
藥最宜

大腹皮 赤茯苓皮 生薑皮 陳皮 桑白皮

炒各
等分

右為麤末每服五錢水一大盞同煎八分去滓溫服
不拘時日三服並忌生冷油膩堅硬之物

香蘇散

寶鑑

治水氣腫小便赤澇

陳皮

去白
一兩

防已

木通 紫蘇葉

各半
兩

右為末每服二錢水二盞生薑三片煎至一盞去滓

食前溫服

除濕湯

見中
濕

四磨湯

見氣

桂黃湯

缺

保和丸

見傷
食

疏鑿飲子

濟生

治水氣通身浮腫喘呼氣急煩燥多渴

大小便不利服熱藥不得者

澤瀉

商陸

赤小豆

炒

羌活

去蘆

大腹皮 椒目

木通

秦艽

去蘆

茯苓皮

檳榔

各等分

右咬咀每服四錢水一盞薑五片煎七分不拘時溫

服

實脾飲

濟生

治陰水發腫用此先實脾土

厚朴

去皮薑製

白朮

木瓜

去穢

大腹子

附子

炮

木香

不見火

草果仁

白茯苓

去皮

乾薑

炮各一兩

甘草

炙半兩

右咬咀每服四錢水一盞薑五片棗二枚煎七分不
拘時溫服

五苓散

見消痺

木香流氣飲

見氣

復元丹

三因

治脾腎俱虛發為水腫四肢虛浮心腹堅

脹小便不通兩目下腫

附子

炮二兩

南木香

煨

茴香

炒

川椒

炒出汗

厚朴

去皮薑

製獨活

白朮

炒

陳皮

去白

吳茱萸

炒

桂心

各一兩

澤

瀉

一兩半

肉豆蔻

煨

檳榔

各半兩

右為細末糊丸如梧桐子大每服五十丸不拘時紫蘇湯送下

黑錫丹

見諸逆
衝上

蘇子降氣湯

見氣

導滯通經湯

寶鑑

治脾濕有餘及氣不宣通面目手足

浮腫

木香

白朮

桑白皮

陳皮

各五錢

茯苓

去皮
一兩

右以咀每服五錢水二觔煎至一盞去渣溫服空心食前內經曰濕淫所勝平以苦熱以苦燥之以淡

泄之陳皮苦溫理肺氣去氣滯故以為主桑白皮甘寒去肺中水氣水腫臃脹利水道故以為佐木香苦辛溫除肺中滯氣白朮苦甘溫能除濕和中以苦燥之白茯苓甘平能止渴除濕利小便以淡滲之故以為使也

至元戊寅五月間霖淫積而不止魯齋許平仲先生時年五十有八面目肢體浮腫大便溏多腹脹腸鳴時痛飲食減少命予治之脈得弦細而緩先生曰年

壯時多曾服牽牛大黃藥面目四肢時有浮腫今因陰雨故大發予曰營運之氣出自中焦中焦者胃也胃氣弱不能布散水穀之氣榮養藏腑經絡皮毛氣行而澀為浮腫大便溇多而腹腫腸鳴皆濕氣勝也四時五藏皆以胃氣為本五藏有胃氣則和平而身安若胃氣虛弱不能運動滋養五藏則五藏脉不和平本藏之氣盛者其脉獨見輕則病甚過則必死故經曰真藏之脉弦無胃氣則死先生之疾幸而未至

於甚尚可調補人知服牽牛大黃為一時之快不知其為終身之害也遂用平胃散加白朮茯苓草豆蔻仁數服而腹脹瀉腸鳴時痛皆愈飲食進止有肢體浮腫以導滯通經湯主之良愈

木小九

見中風

分氣香蘇飲

桑白皮

炒

陳皮

茯苓

大腹皮

香附

炒

紫

蘇

一錢半

桔梗

枳殼

各八分

草果仁

七分

五味子

十五粒

水二鍾薑三片煎八分入鹽少許食前服

消導寬中湯

白朮

一錢五分

枳實

炒 裂

厚朴

薑 製

陳皮

半夏

茯苓

山楂肉

神麴

炒

麥芽

炒

蘿蔔子

炒 各一錢

水二鍾薑三片煎八分服

小便不利加
澤瀉 猪苓

胃苓湯

蒼朮

厚朴

薑 汁 炒

陳皮

白朮

茯苓

各一錢半

澤瀉

猪苓

各一錢

甘草

六分

官桂

五分

右水加生薑煎服

加味五皮湯

即五皮散內脚腫加五加皮木瓜防己

不服水土八胃苓湯

消風敗毒散

人參 獨活 柴胡 桔梗 枳殼

麩炒

羌活

茯苓

苓 川芎 前胡 甘草 荊芥 防風

各一錢

水二鍾薑三片煎八分食遠服

升麻和氣散

和劑

乾薑

半錢

乾葛

一兩

大黃

半兩

熟枳殼

半錢

桔梗

半錢

熟蒼

半錢

術

半兩

升麻

各一兩

芍藥

七錢半

陳皮

半兩

甘草

各一兩半

當歸

半兩

熟半夏 白芷

茯苓

各二錢

每服四錢水一盞薑三片燈心十莖煎七分食前溫服

補中益氣湯

見勞倦

六味丸

見虛勞

人參

平肺散

滋陰丸

見喘

即益陰腎

氣丸見目

加減金匱腎氣丸

治肺腎虛腰重脚腫小便不利或

肚腹腫脹四肢浮腫或喘急痰盛已成蟲證其效如

神此證多因脾胃虛弱治失其宜元氣復傷而變證者非此藥不能救

白茯苓

三兩

附子

五錢

川牛膝

官桂

澤瀉

車前

子

山茱萸

山藥

牡丹皮

各一兩

熟地黄

四兩
搗碎

酒拌
杵膏

右為末和地黃煉蜜九如桐子大每服七八十九空

心白湯下

濟生以附子為君
此薛新甫重定者

調胃白朮澤瀉散

元戎

治痰病化為水氣傳為水鼓不

能食

白朮 澤瀉 芍藥 陳皮 茯苓 生薑 木

香

檳榔

各等分

右為末一法加白朮本藥各半治臍腹上腫如神心
下痞者加枳實下盛者加牽牛

八正散

見淋

梔子豉湯

見虛煩

附方

漢防已煮散

主水腫上氣方

褚澄秘之

漢防已 澤漆葉 石韋去毛桑白皮 澤瀉 丹

參 茯苓 橘皮 白朮各三兩生薑切十兩 郁李仁

五合通草一兩

右十二味搗篩為散以水一升七合內四方寸七煮取八合頓服日二小便利為度

葶藶丸 治肺氣咳嗽面目浮腫喘促不安小便赤色

甜葶藶隔紙炒 貝母煨黃 木通各一兩 杏仁去皮尖雙仁炒 防

已各二兩

右為細末用棗肉和丸如梧桐子大每服五十九桑
白皮煎湯食前送下

白朮木香散 治喘嗽腫滿變成水病者不能食不能

卧小便秘者宜服

白朮

猪苓 去皮 檳榔

赤茯苓

澤瀉

各一錢半

木香

甘草

各一錢

官桂

七分

滑石

三錢

陳皮

二錢

右作一服水二鍾生薑三片煎一鍾食前服

分氣補心湯

治心氣鬱結發為四肢浮腫上氣喘急

木通

川芎

前胡

去苗

大腹皮

泡

青皮

白朮

枳殼

麸炒

甘草

各一錢炙

香附

去毛炒

白茯苓

桔梗

各一錢半

細辛

木香

各五分

右作一服水二鍾薑三片紅棗二枚煎至一鍾食前服

調榮飲 治瘀血留滯血化為水四肢浮腫皮肉赤紋

名血分

蓬朮

川芎

當歸

延胡索

白芷

檳榔

陳皮 赤芍藥 桑白皮炒 大腹皮 赤茯苓

葶蘆

炒

瞿麥

各一錢

大黃

一錢半

細辛

官桂

甘草

炙各

五分

右作一服煎服法同前

當歸散 水腫之疾多由腎水不能攝養心火心火不能滋養脾土故土不制水水氣盈溢氣脉閉塞滲透經絡發為浮腫之證心腹堅脹喘滿不安

當歸 桂心 木香 赤茯苓 木通 檳榔

赤芍藥

陳皮

牡丹皮

白朮

各一錢
三分

右作一服水二鍾紫蘇五葉木瓜一片煎一鍾不拘

時服

烏鯉魚湯

治水氣四肢浮腫

烏鯉魚

一尾

赤水豆

桑白皮

白朮

陳皮

已上
各三

錢

葱白

五莖

右用水三碗同煮不可入鹽先喫魚後服藥不拘時

候

無碍丸 治脾病洪流四肢浮腫

大腹皮

二兩

檳榔

郁李仁

蓬朮

三棱

已上各一兩

木香

半兩

右為細末用炒麥蘖麪煮糊為丸如梧子大每服七八十九食前生薑湯送下

木香分氣湯

治氣留滯四肢腹急中滿胸膈脇肋膨

脹虛氣上衝小便臭

木香

猪苓

澤瀉

赤茯苓

半夏

枳殼

檳榔 燈心草

蘇子

各等分

右剉散每服一兩水二盞煎入麝香末少許同

防已散 治皮水腫如裏水在皮膚中四肢習習然動

漢防已

桑白皮

黃芪

桂心

各一兩

赤茯苓

二兩

甘草

炙半兩

右咬咀每服五錢水一大盞煎至五分去滓不拘時

溫服

導水茯苓湯

治水腫頭面手足偏身腫如爛瓜之狀

手按而塌陷手起隨手而高突喘滿倚息不能轉側
不得著牀而睡飲食不下小便祕澀溺出如割而絕
少雖有而如黑豆汁者服喘嗽氣逆諸藥不效用此
即愈亦嘗驗其病重之人煎此藥時要如熬阿剌吉
酒相似約水一斗止取藥一盞服後小水必行時即
漸添多直至小便變清白色為愈

赤茯苓

麥門冬

去心

澤瀉

白朮

各三兩

桑白皮

紫蘇

檳榔

木瓜

各一兩

大腹皮

陳皮

砂仁

木香

錢各七
半

右以咀每服半兩水二盞燈草二十五根煎至八分
去滓空心服如病重者可用藥五兩再加去心麥門
冬二兩燈草半兩以水一斗於砂鍋內煎至一大碗
再下小鉞內煎至一大盞五更空心服滓再煎服連
進此三服自然利小水一日添加一日

沉香琥珀丸 治水腫一切急難證小便不通

琥珀

杏仁

去皮
尖

紫蘇

赤茯苓

澤瀉

各半
兩

葶

麝

炒

郁李仁

去皮

沉香

各一兩半

陳皮

去白

防己

各七錢半

右為細末煉蜜為丸如梧子大以麝香為衣每服二十五丸加至五十丸空心人參煎湯送下量虛實加減

人參木香散 治水氣病

人參 木香 茯苓 滑石 琥珀 海金砂

枳殼 檳榔 猪苓 甘草

各等分

右為細末每服五錢生薑三片水一盞煎至七分不

拘時溫服日進三服

大沉香尊重九 治蟲脹腹滿水腫遍身腫滿氣逆嘔
噦喘乏小便赤澀大便不調一切中滿下虛危困之
病

沉香 丁香 人參 車前子 葶藶 檳榔

各二

錢白牽牛 青皮 枳實 木通 胡椒 海

各四錢

金砂 蠟梢 木香 茯苓 肉豆蔻 白丁

去毒

各二錢半

香 蘿蔔子 滑石 郁李仁

一錢半

六錢

三錢

去皮一兩二錢半


右為細末生薑自然汁煮糊為丸如梧子大每服二十丸不拘時薑湯送下日進三服忌鹽魚菓肉麵食只可食白粥

續隨子丸 治通身腫滿喘悶不快

人參 木香 漢防己 赤茯苓麵 大檳榔 海

金砂各五錢
另研 續隨子一兩
另研 葶藶四兩
炒

右為末棗肉丸如梧子大每服二十丸至三十九煎桑白皮湯送下食前



證治準繩卷二十一